

# # pořhaj Bóh časopis evangeliiskich serbow

4./5. číslo

Budyšin, apryl / meja 1961

Létník 11

## Witaj Chrysće Zbóžniko!

Budź mi, Jezu, powitany,  
Z rowa horje zbudżeny,  
Žiwy, krasny wohładany,  
K twojim lubym přišol sy.  
Ow, jak rjenje klinčeše,  
Hdyž twój ert jich strowješe.

Witaj, ow rjekń: Mér budź z wami!  
Našim dušam luboznje.  
Wjercho žiwy, měj tež z nami  
W našim stysku sćerpjenje.  
A štož widžiš zemrête,  
To čiń žiwe za tebje.

Moje hręchi su, kiž stróża  
Mje we mojej wutrobje,  
Mojej woči njezamóža  
K tebi hladać we mérje.  
Wéra husto woslabnje,  
Njemér w duši wostanje.

Dha wšak twoje swjate rany  
Njech su mérna chowanka  
Za mnje stajnjie namakane,  
Hdžež so pokoj dóstawa.  
Twojej ruce překlótej  
Njech mje w mérje zdžeržitej.

Twoji tam či podawachu  
Jědž, kaž wot nich žadaše,  
Dokelž hišće njewěrjachu  
Tajke wulke wjesele:  
Zo bych ja rostł we wěri,  
Džél ty twój chlěb sobu mi.

Njech twój swjaty Duch mi dawa,  
Jezu z rowa stanjeny,  
Zo je moja wěra prawa  
A sym połny nadžije,  
A wot tebje, hdyž ja mru,  
„Mér budź z tobū“ zasłyšu!

### Jerichowska róža

„Jutrownu róžu“, „róžu žiwjenja“ a „kwéiku z morwych stanjenja“ su ju tež mjenowali, a to zaŵernje z potnym prawom. Pola njeje je žiwjenje, smjerć a stanjenje z morwych na džiwapolne wašnje spóznać. Jeje domizna je Swjaty kraj. Tam wona rosće na chuduškej zemi. Na drobnym, čeńkim stwielčku so koleba kwětka – na róžu podobna – a jeje kćenja so kaž halužki lopješkuja a maja běle a čerwjene dypki. Tak wona tam steji, zwijtsa na suchim pěsku, a pyši puścina. Włóżnota w powětre a raňsa rosa jeje lačnosć syćitej. Po času hinu jeje kćenja a so přeměnjeja do małych trukow z drobnuškim symjennjom. A skónčenie kwětka zwjadnje a steji tam jenož hišće čeńki, suchi prućik.

Tola potom přińdze čas, zo z Libanonu přez Genecaretski jězor sylne wětry přichadźeja. Wětr wotemrětu rostlinsk uutorhnje z mjechkeho pěska a wotnjeje ju; při tym ju wjerci a mjeta, zo so jeje symješka do wšech kóncow roznjesu. Z toho potom zaso nowe róžički zakcéja. (2. str. dale)



Róžička je swoju winowatosć do-pjeliła, je dosłužila a hišće dobre sy-mo zawostajila. Jeje wosud pak nje-je z tym hišće dowučerpani. Wicho-rojty čas je nimo, a wětřik je morwu rostlinku něhdze na włóżnym blečku pustej krajiny, w někajkim dôlku ležo wostajil. Tam wona nětko leži, swoje žiwjenčko je wudychala, tež wšitke symješka je po puću zhubiła, je jenož hišće wuschnyte a zesusene stwielčko, kotrež drže bórze na prôch a popjeł rozpadnje. Tola nawopak so stanje! Něžne koruški počnu so zaso hibać, a halužki, haj, cyła róžička za-so stawa a počina so znowa zelenić a znowa zakćewa. Je „stanya z mor-wych“, běše morwa a je so zaso wo-žiuita.

Runamy so my člowjekojo tutej Jerichowskej róži? Bóh Knjez je nas kaž tež tute róže stworil, runja jim so nasyćamy a napojamy ze žohno-wanej njebjeskej rosu, zo bychmy je-mu k česći zakćeli a płydy njesli. A hdyz nas potom budže jomu smjer-ze swojimaj šerokimaj křidłomaj za-wodźć, budžemy tež my z korzenjom z tuteje chudeje zemje wutorhnjeni, zo bychmy so tež u smjerci tutej mól-kej róžičce runali. A hdyz nas potom něhdzy Boži swjaty Duch wubudzi, tak tež my runja Jerichowskej róžičce wotućimy – tola nic, zo bychmy zno-wa zahinyli, ale k nowemu lěpšemu a wěčnemu žiwjenju.

### Spočatk čerpjenja

Hdze je so Chrystusowe čerpjenje započalo? Hdzy wo tym přemysluješ, dopoznaješ na koncu, zo je so to hižom na samym spočatku Jezusowego žiwjenja stało: čerpjenje Jezusowe so započina w **złobje Betlehemskim**: přetož tudy so započina stawizna, za ko-truž płaći słwo: „Wón příndze do swojego a ci jeho njejsu jeho při-wzali.“ Słowo hodowneje powěscie „Přetož njemějachu hewak žanohoru-ma w hospodźe“ je zdobom wulkotny a mócný tekst za Čichi pjatk: za njego njebě žanohu druheho městna w hospodźe tutoho swęta hać na křiu!

### Njebudź zły wotročk

Prjedy hać poda so misionar Williams domoj na prözdny, swječeše ze swojej wosadu na kupje Rarotonga (w Čichim oceanje) hišće raz swa-te Bože wotkazanje. Jedyn za druhim klečeše před woltarjom. Nadobo pak jedyn z nich stany a wuńdze z cyrk-wje. Nichtō njewědzeše, čehodla. Hišće wjetše běše hódančko, jako při-nídze samsny člowjek po chwilce zaso wróća a so znowa před woltarjom po-kakny. Po Bożej wječeri so misionar jeho prašeše, čehodla je to cinił. A muž jemu wotmołwi: „Jako so po-kaknych, widżach, zo pôdla mje muž kleći, kiž je před někotrymi lětami mojego bratra zabił. Tehdom smój wabaj hišće pôhanaj byloj. A ja sym sej po našim starym wašnju přisahał, zo budu so na nim wjećic. A nětko wuhladach tohole člowjeka nadobo pôdla sejbe a tuž mje přemō stara hida. Tohodla sym stanył. Wonka pak so dopomnich, zo je so Knjez Jezus za swojich mordarjow modlił, a po-tom so tež dopomnich na přirunanie

wo złym wotročku, kotrež je Jezus jónu powědał. A mi běše nadobo, ja-ko bych chycl samsny puć hić kaž tón zły wotročk: swojemu winikej nje-cham wodać, Boha pak ja prošu, zo by mi moju winu wodał. Ze strož-lemi myslach na konc tutoho přiruna-

nja, hdzež so wo złym wotročku praji, zo bu wón čwelerjam podaty, dokelž njechaše swojemu towarzej wodać. Ja so pomodlich a přińdzech zaso wróć k Božemu blidu, dokelž běch tomu, kiž je mi mojego bratra skoncował, wodał.“

## Zapowědženy jutrowny kěrluš

K onrad bydleše w jednej wsy wo-srđdž wuhlowych jamow. Bě-dženje wo wšedny chléb, politika a druhe starosće wšednego dnia běchu ludžom zabyć dałe, zo Bóh na nich čaka. Wjesny farar njeměješe dosć mocy, zo by to přeměnil. Hdzež wón z ludžimi do rēcow přińdze. séahowa-chu jenož ramjeni a njedowérlivje na njeho hladachu. Tež wjesny wučer so podarmo bědzeše, zo by swojim džecom hišće kusk wěry a pokoja wuchował. Konrad běše najstarši w šuli, běše derje wobhonjeny wo wšem móž-nym a chodzeše druhy tež na poli-tiske zhromadzizny. Tam wjèle na-zhoni a tuž bu bórze hłowa swojeje řulskeje rjadownje. Tola to njebě to, štož je jeho hnulo, so přeciwo wuče-rej stajici.

Konrad běše wostał sprawny kadla, kiž rady swojim towarzam pomhaše a kiž běše skradźu tež hordy na to, zo smědzeše po jutraci ze swojim na-nom do podkopów na dželč chodźić. Ale wón zběhaše so přeciwo tomu, zo njeměješe sej dobrowólnje, po swojej woli wupytać powołanie, dokelž bě-staj starzej chudaj. Za cichim waś-njom swojego wučerja widzeše jenož falšnosć a tak bu jeho wojowanie přeciwo wučerzej wojowanie přeciwo tamnemu swętej, kotryž so lěpje mě-jęše hać wón.

Jeho wotchad ze šule njeběše rjany. Wučer bě postajil, zo maja tež či šulerjo, kiž buchu puščeni, k jutram kěrluš „Chryst je z rowa stanył“ sobus-pěwać. Konrad běše to hnydom wot-pokazał a jako so jeho wučer prašeše, čehodla, wotmołwi, zo je to něsto za druhigh, za bohatych. Byrnjež běše Konrad wočakował, zo so wučer nětko roznjemdri, njesta so ničo. Wučer jenož rjekny: „Ty wěś, Konrado, zo je Chryst za nas wšitkich wumrěł a zaso stanył, za wšich bjez rozdžela. Ja ci njepřeu, zo by so hdz raz k njemu wołać dyrbjał, dokelž će wón njeca z čmoweho šacha pušći.“ Konrad bě zblđnył a mjelčał.

Nimale lěto bě so minyło. Konrad jězdzeše wšednje do šachta a dyrbješe tam kopać, hdzež hižom někotre dny dołho drjewo, kotrež měješe wjerch džerzeć, knyskotaše. Hewjer hanješe, zo by lěpje było, pod cyrkwi dale kopać, přetož tak njebjchu předaloko do njebjes měli, jeli so podkopki syp-nu. Tu so Konrad dopomni na loňše lěto, na wučerjowe słowa a jako so domasa, zo je džens jutrowna sobota, bu jemu džiwno wokolo wutroby, a přemyslowaše.

A nadobo zavrjeskota něsto a wjerch so sypny, swęca w jich lampach hasny a woni sami buchu do róžka čisnjeni. Jenož pomału jim swiataše, zo drje běchu sej žiwjenčko wuchowali, ale zo běchu zavrjeni, hłubo-ko w jamie zavrjeni. Jenož mały kućik běše jim zwostał a njemějachu

nadžiju, zo budže jim powětr dosahać. Njewědžachu tež, kak daloko je jich překopk zasypnjeny. A najhórše bě, zo njemějachu sej sami pomhać, dokelž bě wšon jich grat zhubyenjy a njewědžachu džen tež, do kotreho kónca bychu ryć dyrbjeli. Wšityc pjećo mjelčachu.

Nadobo pak poča jim Konrad powě-dać wo tym, štož bě so runje před lětom stało. Njewuwostaji ničo, po-wědaše, kak je so spjećował, kěrluš sobuspěwać a kak je jeho wučer war-nował a zo je so to runje před lětom stało. Čim wjace powědaše, cím češo bu jemu wokoło wutroby. Wón so čuješe wina na tymle njezbožu a wob-skoržowaše sejbe sameho. Sebje, dokelž běše tale pokuta za njeho sameho wotmyslena, a nětko dyrbjachu tež jeho towarzijo sobu čerpjeć. Woni wšak sptytachu jeho změrować, tola Konrad so njeda zamylíć. Přeco hłub-šo a zasalkišo so do njeho ryješe mysl, zo je wón sam, jeniće wón wina na njezbožu a zo dyrbji so nětk tež wo wumoženje starać.

W tym času pak rujachu wonka si-reny a chrobli mužojo sptytachu so předobyć k wbohim zavrjenym towarzam, byrnjež bě mało nadžije, jich žiwych namakać. Po stach steja-chu ludžo před jamu a čakachu na po-wěsc, a z kóždej hodžinu nadžija wotběraše a zrudoba přiběraše. Farar běše w cyrkwi swęcki zaswěcił a so tam za zavrjenych hórnikow modle-še. Wučer steješe na kerchowje wo-srđdž džecí. Tež wón myśleše na wo-nu hodžinu, runje před lětom, wo kotrež nětko Konrad swojim towarzam powědaše.

Konrad a ci tamni štyrjo zadwělo-wani słuchachu, hać so jim něchtó njebliži. Ničo njebě slyšeć! A jako tam tak mjelčicy sedžachu, poča Konrad nadobo, jako by chycl to nachwa-tać, štož bě před lětom skomdžił, spěwać, z wótrym a jasnym hłosom: „Chryst je z rowa stanył a ze wšej' martyry čahnył.“ A tamni spěwachu sobu! Přeco znowa a přeco zaso spě-wachu samsny kěrluš. A byrnjež jim tež hłowa kazała, z drohotnym powě-trom lutować, tak tola jich wutroba sylnišo do wumoženja wěrješe. Dołho su takle spěwali, doniž jich hłosy njewostabichu a wšityc pjećo do womory njepadzechu.

Jako Konrad po někotrych hodži-nach zas wotuci, běše wokoło njeho swětlo. Ležeše w bělym ložu a njedalo-ko njeho jeho towarzijo. Při nim sedžese stary wučer a jemu pomału powědaše, zo su džecí w starym překopku wokolo lažyle a jich spěwać slyšeć. Tuž su dželaćerjo potom tam dale ryli a jich bjez wědomja na-makali. Konrad běše přesłaby, zo by rěčeć móhl, tola wšon džakowny zhla-dowaše na wučerja. — Nowy džen Konradowego žiwjenja so započa.

# Marja Madlena

Slonco pari. Marja Madlena to nječeje. Jeje noze stej sprócnej. Marja Madlena to nječeje. Tak wjele člowjekow je do kola wokoło — a tola je tak trašna čišina. Jenož čiche stonanje je wot horjeka slyšeć. To jej do wutroby rěza. Wšu bolosc tež wona sobu čerpi. W tutej hodzinje móže tež jenož bolosc knježić:

Što je to do rumplowanja, jako by něchtó z porstami bubnował? Marja Madlena hlada. Widzi, zo su so štyrjo woacy romskeje straže wokoło bubona zlöhali a zo praskaja kostki na čelacu kožu. Zdobom tež wuhlada Jezusowu suknu. Jedyn z wojakow je swoju prawicu do njeje zarył. Tola tež či tamni přeco zaso do njeje hrabaja, zo bychu pruwowali hōdnosć płatu a zatkanych mustrow. Tale sukna, to je drohočinka. Kózdy z nich by ju chcył mēć.


A dokelž njechadža ju roztřihać kaž zvjeršnu suknu, tuž wo nju losuja. Přeco spěšnišo lětaju kostki.

Marji Madlenje woči sylzujetej. Njeje dha Knjez hač naposledk we njej chodžil, w sukni, kotař běše jeje lubosće dan a jeje rukow dželo? Swoju džakownosć bě do njeje zatkała, tehdrom, jako bě ju Knjez wot žalostneje wobsydjenosće wuhojil. Kak jara bě so tehdrom starošila, zo wón ju njepriwozim! Ale wón drje je wědžał, zo so wona njeje hinak jako wučobnica mohla wopokazáhač na tajke jednore wašnje — a wón je so suknu woblekl. Tale sukna je wšak pprawom jeho jeničke zemske wobsydstro bylo, kotrež běše někak něsto hōdne.

A potom je tu zaso bolosc. Z blédy wobličom zhladuje na křiž. Wona tu je a móže tu jenož wostać. Wjace cinić njemože. Hakle, jako wón hlowu chila a mrěje, ju wótry plác tamnych žonskich do woprawdžitosće vróčo storhnje.

Byrnjež je tež ju zrudoba zajała, je wona zrazom ze wšich sonow wubudzena. Wón je morwy, wón, kotrehož je lubowań. Čehodla so njeje wobara? Čehodla žadyn džiw, zo by so wuchowań. Čehodla njeje jemu Boh na pomoc přišol? Wšě jeje nadžije, kotrež běše hišće skradzu měta, běchu rozproštene. Zo je Jezus wudychał, to to je přesurowa wérnosć za nju, a tuž tež njemože wěrić wšem rěčam, zo wón zaso stanje. Wona znajmješa to njewéri a na to myslić, zda so jej njetrjebawše.

Hromadu z tamnymi žonskimi bě so čapnyła na zemju, trochu dale hač předy, dokelž běchu je wojacy z wopravišća wuhnali. Z hroznymi słowami běchu jim kazali, zo maja so z prócha mēć. Tola wone wostanu. Spodzivne to je a byrnjež wona hnydom



wšě tajke mysls wotpakazuje, čuje so Marja Madlena nětko zbožowniša, dokelž je wón wše čwěle přětral.

Napjata sedži Marja Madlena na čopej zemi a čaka na swoju hodzinu. Jenož z jednym wuchom słucha na to, štož sej žonske šukotaja. A wone so strachočiwje prašeja, hač drje so zamózemu Jezusowemu přečelej, radnemu knjezej Józefej z Arimatije, ppradži, zo jemu bohot Knjezowę čelo přewostaji. Jeli nic, potom je wěste, zo by jeho něchtó wjace njenamakał. Wšako su jutry před durjemi, a to je dosć přičiny k tomu.

Marja Madlena je swojej woči na křižowanego zložila. W tutym čele, kotrež tam na rukomaj a nohomaj ppríbete wisa, njemože wona při najlepší woli wjace žiweho člowjeka Jezusa spozań. Wón je jej zdaleny. Jenož jeje lubosć je hišće mosík mjez žiwym a morwym Jezusom. Jeje swérnosć jej zakazuje, so tutomu žałdawemu napohlađej zminky, tež potom nic, hdýž jedyn z wojakow na přikaz stotnika swoju hlebju do Knjezowę čela zakały, jako by so chcył přeswědčić, hač je Jezus woprawdże wumrěl.

Ně, samo tež potom nic — wón je morwy. Byrnjež je zrudna, tak je tola tež wjesoła, zo jeho nětko wjace krujdować njemožeja. Z hórkoscu sej myslí: Ma tež něsto na sebi, prawje morwy być. Tak potajkim tudy na zemi skónsi, hdýž sy sej smilnosć a dobrociwosć za zakoń swojego žiwjenja wuzwoli. Kak wjele ludži je wón tola wuhojil! Komu njeje wón wšitko pomhal! Komu njeje wšitko hréchi wodał a žiwjenje znowa daril! Hdže či su? Čehodla njejsu jeho wuswobodzili? Su tež woni sobu rjejili: „Daj jeho křižować!“? Po wšém zdaću ma lubosć na tutej zemi přeco wumrěc. Hdýž chceš žiwy wostać, dyrbis kaž tajki čert być, kaž tónle wyši měšnik

Kajfas a jeho přichodny nan Hanas abo tajki bojazliwce kaž Poncii Pilatus abo tajki wbohi člowječk kaž wona sama. Marja Madlena wótfie zaplakny, ze zrudobu a z hněwom . . .

Někotre hodžiny pozdžišo sedži wona při rowje swojego Knjeza. Jozef z Arimatije je sej wot bohota jeho čelo wunuzował a we swojim kamjentnym rowje pochował, we swojej zahrodze njedaloko Golgaty.

Je w nocy. Tola Marja Madlena nječeje jeje miłość a njewidži blyśc slěbornych hwězdžíčkow. Je přespróčna. Ale zo by nětko spać mohla, to jej do myslí njepřiindže. Spochi hlada na wulkui kamjeń, z kotrymž je row zastajeny. Tak wona morweho stražuje. Njedyrbjeli tu najnadobniši a najmocniši ludžo swěta być, zo bychu pře tohoto najwjetšeho ze wšich člowjekow pělakli? Wona samalutka jow sedži — zrudne to znamjo za to, što lubosć na swěće pěaci. Samo wučobnicy su Knjeza wopušcili.

Tak so nôc minje. Slěborny blyśc hwězdžíčkow woteběra. Prěnje raňše zerja připowědaju nowy dzeń. Lědma, zo je slónčko swoje prěnje pruhi do zahrody pšošalo, počina so hižom wšitko hibać. Črjóda Farizejskich so pomału a chablało rowej bliži. Hižom rano zahe běchu bohota nadběhowali, zo ma tola na tři dny stražu postají, zo njebi něchtó čelo kradnyc mohla a zo so njebichu zaso wožiwiše wšitke rěče wo stanjenju z morwych. Pilatus běše jím dweju wojakow sobu dał, kotrāž so nětko před row stupitaj. Mjez tym či Farizejsci kamjeń zaygluja. Jako zaso ze zahrody dzeja, wuhladaja Marju Madlenu tam sedžo. Kazaja jej ze zahrody. Tuž scicha wotěndže.

Přichodny dzeń, na sabaće, wona wotpočuje wot wšitkich napinanjow zašleho dna. Pomha přečelkam přihotowac wojace wěcy a žalby. Hromadze z nimi žaruje. Ciše powědaja sej žonske wo wulkotnych dnjach, jako su móhle Knjezej hišće služić. A potom přińdže zaso nôc.

Tola po někotrych hodžinkach Marja Madlena zaso stanje. Budži tamne, jenož zo bychu prawje bórze k rowu došle. Je hišće jara zahe. A žonske so scicha prašeja, hač drje jím straža dowoli, do rowa stupić a čelo žalbować. Tež tón wulkui kamjeń čini jim statrosce.

Bórze do zahrody dońdu. Něchtó njeje je po puću zadžeržał. Je hižom swětlišo, tola štomy njejsu hišće prawje spóźnać, jenož jako čmowe sciny. Marja Madlena počnje chwatać. Zawinje před tamnymi wot hólkowego puća na wusku ščežku, kotař wjedze k rowu. Wuhladawši pak row, so jej zecne. Myli so wona? Tak jara kaž so tež pročuje, zo by so znjeměrnena wutroba zas změrowała — napohlad wostanje samsny: row je zwonječešený!

Hižom slyši pódla sebje swoje towarziski. Tež wone widža, zo je kamjeń wotwaleń a zastup do rowa swobodny. Čmowy, strašne čmowy a wopušceny zda so jim row być. Tyšno jim je, jako do rowa stupia. Hladaja na kamjentnu lawu, na kotrūž bě Jozef z Arimatije čelo położil. Lawa je prozdra. Njemyla so! (4. str. dale)

# Kluč žiwjenja

Kluče zhubić abo zabyć, to nam we wśednym žiwjenju přeco dosć mjerzanja načinjia. Tajki kluč wšak je trěbny, a tola so zwjetša jenož potom na njon dopomnijmy, hdyž jón runje nuznje trjebowne. W bajkach wotewrja złoty kluč hory a wulkie pokłady, a hdyž wón tu njeje, potom ma potrebeny stavč swojego porsta woprować, zo by móhl wotamknyc dure, kiž jeho pušca k pokładom. Tak smy to husto w tajkach a podobnych powiedančkach čitali. Před někotrymi lětami pisachu nowiny, zo je so džéco do tresora jedneje banki zamknęlo. Bě sej tam hrajkało a durje su so zaprasnyte. Tola nichotň njoemješe kluč namakać, dokelž mjeje jón džéco při sebi. Z lětadłom přivjezechu mištra, kotryž so na wše mózne zamki wustesseje, a tón je tež skónčenje wboho džéco před surowej smjerú wumozil. (Hakle njedawno je so pola nas tež jendželski film wo podobnym podawku pokazował. Snano jedna so tam wo samsnym džesku. Ja to njewém! Je sej snadz něchtó z was tónle film wobchladał?)

Smy wšak samo na sebi wšitcy jeći, popadnjeni, kiž nimaju jenož tudy na zemi wěstu smjerć před sobu, ale tež wěčnu smjerć, hdyž njepríndze mištri, kotryž ma kluč při sebi, zo by nas móhl wumoc před smjerú a helu. Z morwych stanjeny je zamki swojego rowa rozlamał a z tym tež naš row. „A dokelž Chryst moj živy je, ja njem'žu w smjerći wostać!“ „Ja běch morwy“, to njeje žana bajka, kotraž so započina ze słowčkomaj: „Běše něhdy . . . ale wěrnost, po-

slednia, hnady a spomoženja połna wěrnost! Ja běch morwy, to njeje žana přičina žarować a žaloscí pře něsto zhujene, ale so wjeseli a wyskać. Vivit, won je živy! Wšitke puta su spadane. A tak tež naše jónu spadaju. Nětk njeje wón wjacē tón wbohi a wusměšowany a zasudzeny, ale Knjez — jeho je kralestwo a moc a česc hać do wěčnosć! Njeje či to Twoja cyrkę hišće prajic móhla, njeje či to Twoja wutroba hišće wobswědiła, tak daj sej to wot jeho njeprécelow prajic. Hdy njeby wón žwy byl, by wón byl zabyty a jeho wučobnikam bychu blaznow rěkali a žaneje włoski njeskřiwili, tola z morwych stanjeny znjeměrnja swět.

Dokelž je Jezus živy, móže či wón dać swjatu swobodu a če wumoc wot wšeje kwakle helskich strachow, wot wšeje hrozy smjerće, wot wšeje bojosće před přichodom, wot wšitkých nuzow žiwjenja, wot wšitkých starosców wśednego dnja. Z morwych stanjeny če strowi w twojej nuzy. „To stare je so minylo, hlej, wšitko je so nowe sciniło!“

## Njewočakowany wusud

Zawěrnje njewočakowany běše wusud, kotryž wupraji přisaźne sudnistwo w němskim měsće K. přeciwo 611ētnemu kowarskemu mištrej. Kowar běše morjenja dla wobskorženy. Sudnistwo pak bě jeho dospołnie wuwinowało, po tym zo bě jeho druhe sudnistwo před tym na čas žiwjenja do chłostarnje zawrēc chcyło. Kowar-

ski mištri bu hnydom po tutym druhim procesu do swobody pušceny. Stat je tež přewzał wšitke wudawki, kotrež je wobskorženy swojemu procesow dla měl. — We wusudze pak so praji, zo wostanje wobskorženy dale podhladny, byrnjež njeje so jemu ničo dopokazać móhlo. Prezident sudnistwa rjekny we swojim dosłowie: „Zemske sudnistwo je Was wuwinowało, dokelž njeje žanych dopokazow přeciwo Wam mělo. Z njebieskim sudnikom pak dyrbieć tule wěc sam wujedać.“

Znajemy we swojim žiwjenju wokomiki, hdzež bychu nas wšitke sudnistwa tu na zemi bjez chłostanja na drohu pušcili, tola naše samsne swědomje nas wobskoržuje. Hdyž jónu před njebieskim sudnikom stejimi, budze tež nas zasudzić dyrbjeć, dokelž smy wšitcy hréšnicy a dokelž niamy pola Boha dosć „mjen“. Wón móže nas jenož wuwinować, dokelž mamy rěčnika, kiž nas jenož njezakutuje, ale samo wšu winu na so bjeře: Jezus Chrystus, naš Zbóžnik.

## Unica spes!

We šwicarskich Alpach je na jednym městnje dôlčk do skały wubity, a tam steji wulki kríž z marmjela a na nim dwě słowje — „Unica spes!“ — naša jenička nadžija! Tutón kríž staj nan a mać swojemu jeničkemu synej, kiž běše tam w naleču swojego žiwjenja do hłubin padnył a so zrazył, stajić dałoj.

Tež za tebje je kríž postajeny nad hłubinami hrécha, nad rozpadankami zboża a w cěmności smjerće, kríž twojego Zbóžnika! Sto chce na njon napisać? „Unica spes“ — jenička nadžija w žiwjenju a smjerći!

## (Pokročowanje z 3. str.

Z hrozu Marja Madlena tutomu na pohladej wučeknje. Tajkale skażenosć, wboheho morweho, kiž so nje može wobarać, rubić a wotnjesć! A byrnjež su jeho žiweho přescéhowali, tak njech jeho tola znajmješa morweho na pokoj wostaja! Spěcha nětk wróćo přez zahrodu, połna zrudzby a hněwa, zo njeje morwemu tule poslednju lubosc wopokazać móhla. „Ně, to sej njedam lubić!“ Nětk chce wona wučobnikom hromadu zwoać!

Cisice wujachlena přiběži k domcej, w kotrymž dyribat Pětr a Jan być. Ma lědma hišće mocy, wo durje klapać. Ně, nětk nic so poddać! Z pjasćomaj wo durje bucha. Nutřka wostanje změrom. Staj wonaj wušloj? Abo bojitač so snano? Z podušenym hłosom jeju z mjenom wola. A nětk so durje wočinja, ale jenož tak, zo móže so wona runje nutř šmörnyć. Wustróženymaj mužomaj powěda: „Woni su Knjeza — z rowa — wotnjesli — a my — my njewém — hdze su jeho donjesli . . . !“

Pětr a Jan so na to spěšne wotsalitaj. Marja Madlena hlada za nimaj. Wonaj přejara spěchataj, zo by jeju dosčahnyła. Ale čehodla tež? Pomału a spročna dže zaso puć k rowu wróćo. Tam nikoho wjacē njenadejdze. Tamne žonske su wěsće tež ze strachom čekle, a Pětr a Jan staj naj-

skerje hnydom dale chwatałoj a njejstaj so tu předołho komdziłoj.

Tak zhujena a bjezpomocna tu před rowom steji a wša běda a ból jeje wopušcenoſce ju přemože. Nětko, hdyž su tež hišće jeho čelo rubili, zda so jich njeskutk hakle tak prawje zdokonjany. Marja Madlena płaka. Stoha sej hišće na tutym swěće chce, hdzež je wša lubosc doskónčenje zahinyła? Płaka a płaka . . .

A nětkle so sta, džiw wšich džiwow, — w tej samej hodžinje, w kotrej čuješe so Marja Madlena do najhłubšeje cěmnoty zastorčena! Kak móhlo so to hinak powědać hać ze słowami sčenika Jana, wučobnika, kotrež mjeješe Jezus tak lubo, a kotrež je Marja Madlena wšitko, štož je nětk nazhoniła, wupowědała:

„A płaco pohłada nutř do rowa a wuhłada dweju jandželow w bělej drasće sedzo, jednoho k hłowam a druheho k noham, hdzež běše Jezusowe čelo ležalo. A taj džestaj jej: „Žonska, što płacleś?“ Wona džesje jimał: „Woni su mojego Knjeza preczwali, a ja njewém, hdze su jeho położili.“ A hdyž to wuręča, wobroci so do zady a wuhłada Jezusa stejo, nje-wědzeše pak, zo by to Jezus był. Rjekny Jezus jej: „Žonska, što płacleś? Koho pytać?“ Wona sej myśleše, zo je to zahrodnik, a džesje jemu: „Knjeże, sy ty jeho wotnjesł, dha poweś mi, hdze

sy jeho położil? Dha chcu jeho wzać. Rjekny Jezus jej: „Marja!“ Wona so wobroci a džeše jemu hebrejski: „Rabbi!“ To je: mištri. Rjekny Jezus jej: „Njedótki so mje; přetož ja hišće njejsym horje stpił k swojemu Wotcej. Dži pak k mojim bratram a prajjim, ja du horje k mojemu Wotcej, k swojemu Bohu a k wašemu Bohu!“ Marja Madlena přińdze a připowědaše to tym wučobnikam: „Ja sym Knjeza widzała, a to je wón mi prajil.“

Tole dožiwić a připowědać móć, k tomu bu Marja Madlena wuwzoleńa, tale žona, kiž jenož hišće do toho wěrješe, štož mjeješe před wočomaj — do smjerće. Wona běše přeni čłowiek na tutym cěmnym swěće, kotrež je so z morwych stanjeny Knjez zjewił, snadz jeje wulkeje lubosc dla, kotrež tež njeje smjerć přewinyc móhla. Wona njebeň ničo wjacē wočakowała. A runje jej je Bóh wšitko darił. Za nju bě swět zhujeny. Bóh stori jej nowy — jej a nam wšitkim, z luteje luboscē, kotrež sej njezasłużimy. Wot toho časa so blyšći, najebac hrécha a smjerće, lubosc Božą w z rowa stanjenym Chrystusu jasnišo hać tehdrom jutrowničku rano słonco na pozločenym njebjem.



## Chrystusowy swjaty row

We wšich časach su pobožni křesćenjo do Jeruzalema putnikowali, zo bychu tam row našeho Knjeza, swjaty row, wopytali. Wěmy tež, zo su sej ludžo łopješka woliwca słać dali, kotrež su do toho na swjatym rowje ležale, a je potom sobu do swojego rowa wzali. Tola my wšitcy wšak wěmy, zo njetrjebamy hakle do Palestiny pućować, zo bychmy so k swojemu Wotcej w njebjesach z prawej nutrnošću modlić mohli. Jezus je džen sam wonej samaritskej žonskej prajil, zo mamy so k Bohu modlić w duchu a w prawdze! A tola njeje to jenož za našich bratrow z drugich křesćanskih wěruwuznaćow wažne, jónu stać při swjatym rowje. Tam je so tón podawk stał, na kotryž njeisu so jenož stawizny a kultura Ewropy załožile, ale předewšêm wša naša zbôžnosć, naše žiwjenje. — A nětko so prašamy: Kajki ma Jezusowy row napohlad? Tutón row sluša sobu do kompleksa Cyrkwe swjateho rowa, kotruž je kěžor Konstantin w přenjej połojcy 4. lěstotka swojej mačeri Helenje k česci natwarić dał. Nimo Jezusowego rowa chowa tale cyrkę tež wšelke druhe dopomjeća na Knjezove cerpjenje. Wosrjedz cyrkwe je tvarjenčko same za so, takrjec jedna cyrkvička w cyrkwi. Hdyž džemey do cyrkwe z raňšeho boka, mamy před sobu mału rumnosć, lědma džesać kwadratnych metrow wulku. Wona rěka Kapala jandželov a nas dopomina na podawk, kotryž so sta jutrowničku rano. Wot tam nas wjedze niska chôdza do hišće mjeńšee rumnosće. Na wjerchu wisaja wšelke lampy, 43 jich je. Su drje to zwjetša dary džakownych putnikow. Na zadním boku steji zwjetša čmowa postawa: grekski mnich w čornym talaru, kiž ma swjaty row wobstrażować. Na prawo widzimy lawku z marmora. Snano kleći před njej runje jedyn tajki putnik a so nutrnje modli, při tym běly kamjeń košo. Tu je městno, na kotrež su pobožni křesćenjo ze wšich krajow a ludow hižom na 1600 lě doho swoju nutrnošć a lubosć a swoje počešćowanje zložowali. A to tež nas ludzi z Ewropy, za kotrychž je tola tu w ranju wjele džiwnego a njezučeneho widžeć, hłuboko hnuje. Pomođliwši so čicho wotsalimy, z chribjetom k durjam, tak kaž je to wašnje prawych putnikow.

Tola zdobom so prašamy, hač smy tu woprawdze swjaty row widżeli. Wěmy wšak z Biblike, zo bu Jezus zwonka města křižowany, „wonka před wrotami“ rěka w lisće na Hebrejskich. Tu pak smy wosrjedz města! Kak to?

Haj, najprjedy ma so prajić: To tola njemože a njecha docyla tón row być, kajkiž je jón tehdom naš Knjez

Jezus wopušćił a zawostajil a kajkiž su jón jeho wučbnicy potom namakali. Wěmy tola dość derje, kak husto su wójny a zběžki zachadžale a kak husto je so při tym swjaty row zničil, wotpalił abo wurubil! W běhu šesnače lěstotkow so tola wjele přeměnja, Wěmy, kak je to tu pola nas doma. A runje tak je to w Palestinje. Tež tam je so kolo časow přeco dale wjerćało, dokelž Palestina tola skónčnie žadyń muzeum njeje.

Kak pak přińdze, zo je Cyrkej swjateho rowa wsředz Jeruzalema? Z pomocu zemjepisnych kartow, kotrež su husto našim Biblijam přidate, widzimy wokolnosć Jeruzalema. Najstarši Jeruzalem běše cyle na južnym kóncu jedneje z wobeju hórkow, na kotrymž stare město tež džensa hišće steji. A wot tam je so město přeco dale do sewjera wupřestrěwało. To so hodži jasneje dopokazać, nic jenož ze spisami židowskeho historikaria Jozefusa, ale tež naši džensniši archeologojo to wobkručeja. Je bjeze wšeho možno, zo běše městno, na kotrymž steji džensa Cyrkej swjateho rowa, w Jezusowym času zwonka měšćanskich muri. Haj, mamy samo dopokazy za to. W jednym róžku mjenowaneje cyrkwe, čisce při swjatym rowje, stej hišće druhé rowaj. A stej samsnej, kaž je mějachu w Jezusowym času: stej do skały wubitej. A wěmy tež, zo njeisu tehdom w měsće nutřka chować směli. Tak sej můžemy zwěřic prajic, zo stej tutej rowaj tehdom zwonka předadšeho Jeruzalema ležaloj, tež Jezusowy row!

Kak běše to do toho, předy hač je kěžor Konstantin cyrkę załožil? Kak su na to přišli, zo je runje tam Jezusowy row byl? Rěka, zo su na tutym městnje Jezusowy křiž namakali. To wšak by pola toho abo tamneho dwěle wubudží mohlo. Tohodla je trjeba prajic: Njemožemy sej předstajić a njemožemy sej myslić, zo je so row Jezom Chrysta hdy zabyć mohł! Wot toho časa, zo je naš Zbožnik hišće na zemi žiwy byl, su tola přeco křesćenjo w Palestinje a w Jeruzalemje samym žiwi byli. Dyrbjała mjez nimi jedna generacija być, kotař by zabyła, hdže je so Chrystus pochował? Abo dyrbjała jedna generacija snano jeho row zaměnić? **To drje lědma!** To tola scyla možno njeje, zo su křesćenjo, kiž su tam bydlili, hdy na Jezusowy row zabyli! Tuž smy sej cyle wěsci, zo płaći w Cyrkwi swjateho rowa słowo swjateho Pisma: „Hlej to městno, hdžež běchu jeho położili.“

Z morwych stanjeny Chrystus pak měl nas bôle zaimować hač tón pochowany. Tak je to tež we swjatym Pismje, a tež Arabscy w Palestinje njemenuja tule cyrkę, kaž my, Cyrkej swjateho rowa, ale „el-kiaeme“, to rěka: cyrkę z morwych stanjenja. Wo tym potajkim swěđci tutón row, tutón swjaty row. Wón chec nas napominać, zo bychmy toho sławili a připowědali, kiž je smjerć přewinył. Tale cyrkę njecha našu wěru putać na swjate městna; wjele bôle tu płaći słowo japoštoła Marka: „Wón je stanył a njeje tudy.“ Wón njeje morwy, ale je žiwy, wón je pola nas — hač do skončenja swěta.

## Qubi čitarjo!

Tele číslo našeho „Pomhaj Bóh“ njech je zaso za wšich, kiž radži pobožne serbske słwo čitaja, dar k swjatym dnjam. Njeje pak to jenož číslo na jedyn měsac, ale na dwaj měsacaj, potajkim za apryl a meju. Tuž Was prosymy, swój přinošk na dwaj měsacaj zaplaćic.

Zdobom pak chcemy wozjewić, wot koho su wobrazy w našim lopjenu a što je je nam přewostajil.

Wobraz na 1. stronje je mólba wumělca E. Pischela z Wostrowca a je wuwzaty z dowolnosć Wartburgského naklada Max Kessler z „Křižneje protyki“. Wobraz na pjatej, potajkim na tutej stronje, je z ilustrowanego bibliskeho zešiwka „Wulki wopor — Scenie po Janje“, kotryž je wušlo w Ewangelskim hłownym bliskim towarzstwie w Berlinje, wotnožka w Altenburgu. Wobraz pokazuje Cyrkej swj. rowa w Jeruzalemje. A wobraz na třećej stronje je wot wumělca P. Opitza a rěka „Chrystus jewi so Marji Madlenje“.

# Wulka swójba

Wósmym smy so 23. februara w Budyšinje na swój serbski kublanski dźén zešli a je zawésće njetrjebawš, wosebje wuzběhować, zo su tež tónkróć naši swérni Serbjia w bohatej ličbje přišli a wulku žurlu wosadnego domu na Hornčerskej wupjelnili. Přečelna, wutrobna atmosfera a zhromadnosć pod Božim słowom w maćernej rěči nas wšitkich přeco znowa na tutón dźén do města wabi. To je tak wokrewjaca towarzność, za kotruž płaći rjane słowo: w u l k a s w ó j b a !

Po zwučenym wašnju mějachmy dopolňana kemše. Bratr farar Š o l t a - Rakečanski předowaše a zloži swoje słowa na list japoštola Pawoła Filipiskim (3, 17–21), hdźež je rěč wotym, hdźe je za křesčana ta woprawdza domizna. Kak wjèle ludži pyta ju jenož na zemi, we swětnych wěcach a bohatstwach a njecha wědžeć, zo jenož „Hosćo smy na zemi“, kaž rěkaše heso našeho schadzowanja. My křesčenjo pak njechamy swoju nadžiju stajeć na to, štož je zachodne, ale na wěčnu zbožnosć, kotruž nam naš Wótc w njebjesach přilubja. To wšak wězo njerěka, zo ma cyrkjej być žiwa za tolstymi murjemi. Ně, srjedža mjez ludom ma wona stać a jemu pokazować prawy puć do wěčneje domizny. Ci, kiž su dołho w czbje přebywać dyrbjeli, derje wědže, kak wzobožacy móže nawrót do domizny by! Tak budze to tež jónu z njebjeskej domiznu, přetož „naše měščanske prawo je w njebjesach, wotsal tež Zbóžnika wočakujemy, Knjeza Jezom Chrysta, kotryž naše hubjene čelo přeměni, zo budze podobne jeho krasnemu čelu.“

Po kemšach bratr farar A l b e r t - Malešanski přeni přednošowaše a z rěčanym a spěwanym słowom rjanoscie zemje wopisowaše. Kak rjenje je Bóh Knjez wšitko stworil a zrjadowal! A kak husto tola ze slepymaj wočomaj, njeslyšcymaj wuchomaj a zasaklej wutrobu po Božej stworbje chodžimy! Njeprášamy so zwjetša jenož za wužitnosću teje abo tamneje wěcy? „Što mam z toho do wužitka?“ je naša rěč. A wšelkim je tež lěška kórkow wjèle lubša hač blečk z něžnymi, luboznymi kuwétkami, dokelž so jenož za materielnym wužitkom präšeja. A tola je Bóh wšemu, tež najmjeňemu zwěrjatku a najnjenahaldnišej rostlince dat swoje prawo a swoje městno tudy na zemi. Starosće dnja a jebanje bohatstwa nas daja a tyša a tam, hdźež bychmy so „čertstweje wody napić móhli“, chodžimy nimo. Kak jara staj tola kěrlušer Pawoł G e r h a r d t a naš Handrij Ze j l e r z hnajacej lubosću a čućiwosću wobkedažbowaloj a wobspěwaloj Božu stworbu! Hladajmy na Gerhardtowy kěrluš „Pój wutroba a wjesel so“, kotryž je farar-wupućowar Jan K i l i a n tak rjenje serbsce zdarscili! Kóžda z tutych pjatnaće štúčkow zda so nam być jenički chwalny spěw na Bože džiwy. Tulpy a lilijs, škowrončka a solobika, bačona a sornu a druhi krasnosć, haj samo malu pčołku njeje kěrlušer zabył. A wězo smy sej tutón kěrluš tež hnydom zaspěwali. Předewšem smy před-

nošowarjej džakowni, zo je nam wšelke kěrluše a spěwy ze znatej wustojnosću zanjesł. Tola tež wjèle druheho směry lićić do rjanosćow zemje. Myslym jenož na pyšne města a wsy, na Bože domy a druhe twary. (Koho tež njejhnuje přewšo luby napohlad našego Budyšina, hdźy po Wojerowskej droze jědžeš?) Wulcy mištrojo wumělstwa – kaž staj to Bach a Mozart na příklad byloj, wot kotrejuž je nam farar Albert dwě kompoziciji na klawérje zahral – su tola dušu wotewrjenu méli za Božu stworbu. Kak bychu hěwak hudźbu z tajkej cunjosću pisali! We wšem rjanym, dobrym a nadobnym na swěce mózemy jenož widžeć Knjezowe dary, kotrež su nam do rukow date, zo bychmy je hladali a z nimi prawje hospodarili.

Předsyda Serbskeho cyrkwienskeho dňa, bratr farar L a z a - Bukečanski, móžeše nam potom předčitać wšelke postrowy z bratrowskeje Českostwakskeje. Smy wšitke dobre preća z radosću a džakownosću přijimali.

Rozprawu Serbskeje superintendenty poda bratr superintendent W i r t h - Njesvačidlski. Wón džakowaše so našim fararjam, kotriž z wulkej swěru a dosć woporami připowědaja Bože słowo w maćernej rěci. Spominaše na lubych zemrětych, na swérneho bratra Jana H a j e š a , kotrehož mjenuje naš towarz senior K. P. Lanštják-Praski we swojim lisće „Wašeho Simeona“, na předawšeho Hučinjanského kantora Gustawa H a j n i k a , na Klukšanského fararja Jana K ř i ž a n a , kiž by samsny dźén swoje 81. narodniny měl, a na něhdýše Minakałského fararja Hendricha B a m ž a , kotryž je 22. februara 1957 tak zahé wot nas šot.

Po zhromadnym wobjedže, kotryž je nam luba Adamec swójba přihotowala, džechmy do popoldnišho dźela našeho programu. Tu zanjesł nam bratr Handrij Kra w ī k z Běleje Wody dwě pobožnej pěsni, kotrejž bě wón sam jara wustojnje zeserbščil. My so přeco zas wjeslimy, hdźy jeho mjez nami wuhladamy. Bratr Krawčik běše předy byl předar pola adwentistow. Tola přeco je so prôcowal wo dobre zwiski mjez nami. Wjèle je wón přinošował ze swojimi darami, zo bychmy móhli wudać Scénje po swyatym Mateju, a tež džensa hišće sam sobu pomha při přeložowanju. (W lěće 1909 je u Smolerjec čišćerni wušla kniha Mjezynarodneho traktatneho towarstwa „Puć ke Chrystusej“ wot E. G. White. Štož dyrbjal ju wosadzeć, njech wě, zo je wón ju přeložil a farar Matej Urban korigował.) – Wjeslimy so jara, zo je Scénje skónčnje wušlo a zo smy dźél nakłada hižom na kublanskim dnju poskićić móhli.

Bratr superintendent W i r t h záběraše so dušowpastyrse hišće raz z hesłom dnja. Wón spominaše na pućowanje Božeho luda z Egipciowskeje do Slubjeneho kraja. Tak smy tež my po puću přes tutón swět, a tele naše pućowanje je naše přenje a poslednje. To rěka, zo je naš puć nam nowy a njeznaty, chiba zo wo nim wěmy, zo dyri za nas być wuski a wobčežny.

Tohodla njesměmy wudawać, kaž bychmy hižom wšitko znali a wědželi. Budžmy tohodla ponižni a wotewrjeni za wšo dobre powučenje. My wšitcy pytamy swój puć, spyťujemy to a druhe a so nadžijamy lěpšeho přichoda. Takle mamy sebje a swojeho blišeho posudžovać a čímý to z wěstym humorom, kiž wuchadža ze zrałosće, mudrosće, nazhonitosć, kiž móže so posměvać, ale kiž so njewošerja ani njekichota. Budžmy člowjekojo wulkeje, přečelneje wutroby, kotriž so njerozzlobja, ale su zwolnili, jedyn druhemu wodawać.

Dokelž smy jenož jónkróć na zemi, so kóždy boji, zo móhli to najważniše a najrjeňše tutoho žiwjenja skomdzić, so móhli chudy a wot žiwjenja zanjechanj wostać. Tohodla tele styksne běhanje, staranje, džělanje, přemysłowanie, kak sej swoje žiwjenje najrjeňšo wuhotujemy a zarjadujemy. Tak je to pola tebje, a njehněwaj so na swojeho bratra a mandželskeho abo susoda abo towarzha, hdźy so wón runje tak styksne stara wo zbože swojeho žiwjenja.

Hosćo smy na zemi! Hosć njeje w přenim rjedże zamolwity za hospodu, ale wón ma so we njej přistojuje zadžeržec! My sej njejsmy čas ani wokolinu swojeho žiwjenja sami wuběrali, ale smy tu a džensa namolwjeni, zo bychmy so přistojnje jako člowjekojo zadžerželi. A hdźy smy po puću do wěčnosće, potom njeh je naš najrjeňši nadawk, zo sej mjez sobu pomhamy.

Bratr Č a b r a n z Poršic přednjese nam tež lětsa rjanu baseň, kotař nas napominaše k njebojaznemu wuznacu wěry. Bratr L a p s t i c h ze Stróže pola Rakec záběraše so skrótka z narodnym položenjom. Sotra H e m p - l o w a naujaza na jeho słowa a dopokaza, zo tola hłownu zamolwitosć za našu młodžinu w přenim rjedże starzej mataj. To placi za woboje, za narodnosć a pobožnosć!

Rěčeš so tež wo wšelkich wažnych prašenjach wosadneho žiwjenja. Hłowny dypk běše naš lětuši Serbski cyrkwiński dźén, kotryž změje tónkróć, da-li Bóh, čišće hinaši raz, dokelž chcemy jón zwjazać z wulětom do delnjoserbských wosadow. Předsydstwo Serbskeho cyrkwienskeho dňa móžeše wozjewić, zo su delnjoserbske wosady zwolniwe, tutón dźén z nami hromadze wuhotować. A tež generalny superintendent D. dr. J a c o b - Chočebuski je swoju pomoc přilubil. Tajki dźén by tež za naše narodne dželo woprawdze dobrý wuspěch měć móhli.

Tak widžiće, zo smy na našim lětušim zénđzenju zaso tojšto wuradžować a wobzamkować měli. A při tym smy znowa začuwali, kak wjèle swěrnych dušow w našich serbskich wosadach mamy! To je widžeć na bohatym wopryće, na nahladnej kolekće (za „Pomhaj Bóh“ smy tam nimo mjeňsich darow wot lubeho bratra z Husčanskéje wosady samo 100 hriwnow dōstali!) a na lubosći a zahoritostci. Mějje tuž hišće raz wutrobný džak, zo so tak swěru k nam džeržiće!

## Boža moc je njewuslědžomna

Něhdy sym čítał, zo je jedyn profesor chemie bónik ze slébra do někajkeje kisaliny položil. Po wěstym času bě so bónik zhubil, přetož kisalina slébro rozežra. A profesorovi šulerjo počachu nětka na tym dwělować, hač je scyla možno, slébro zaso wróćobyć. Profesor sypny wšelake chemiske srédky do kisaliny; a hlej, na dnje poča so zaso slébro sadźeć. Profesor da slébro złotnikarjej donjesć, kiž z njeho zaso nowy bónik wudzéla, hiše rjeňsi hač tamny.

Njezměje tež Bóh, kiž je přirodze tajke mocy dał a nam čłowjekam tak wušknej ruce, moc, naše na prôch rozpadnjene čelo zbudžić a hiše rjeňše stworić?

## Wroblatko za hołbja

W někajkim chudym kóncu šwedského kraja namaka farar, kiž ze swojimi burami rady na horitwu chodžeše, cylu kopicu blyšcateje rudy (Erz). Jeho přečeljo jemu radzichu, do města hić a so tam prašeć, hač móhl to woprawdze wołoj abo cink być, kaž to někotři tukach. Jedyn z burow pak poča na tym dwělować, zo móhla chuduška zemja tam tajki drohotny poklad chować. Tuž džesë a předa swój podzél za sto tolerjow. „Wroblatko w horšci je wjace winojetje hač hołb na trěše“, sej wón myśleše. Tola kak so zrudži, jako so wukopa, zo to njebše ani wołoj ani cink, ale ryzy slébro. To je jeho tak zmotało, zo je sej žiwjenje wzal. — Na tule stawiznu šwedskeje basnicy Selmy Lagerlöf dyrbry přeco znowa spominac, hdyž su wšelakim ludzom tysac hriwnow w horšci wjace hódne hač Boža hnada w njebjesach — a tohodla tež klanka w awće lubša hač dowěra do Boha.

**Z Chwaćic.** W meji loňšeho lěta je so nam skončenje po nimale dwěmaj lětomaj čakanja dowolilo, we Wulkej Dubrawje, kotař do našeje wosady słucha, baraku natwarić. Hižom na džesać lět je so wo tym rěčalo, dokelž njebé we Wulkej Dubrawje, hdźež mamy 2000 do 2800 dušow, žaneje rumnosće za cyrkę. Tak smy kemše a nabožne wuwučowanje w hospencu wotměwać dyrbjeli.

Wjesele we wosadze běše wulke. To je tež widzieć na tym, zo je so nimale jeniwe we Wulkej Dubrawje nawdało přez 3000 hriwnow. A to tež pokazuje sobudželo wosadnych, kiž su nimale wšitke džela, tež mulerske a čěslske, dobrowolne dokonjeli. Firma Jeremias nawozy nam twarske džela, cyhele a pěsk z Budyšina do Wulkeje Dubrawy. Wjele žonow a rentnarjow je tež při tym pomhało. Jim wšitkim chcemy so tu hiše raz zjawnje džakować.

Wjeršk we wosadnym žiwjenju loňšeho lěta běše na njedzeli swj. Troj-

## Powěsće z našich wosadow

**Z Bukec.** Džakowni smy, zo mějach-my porjadnie dwurěčne Bože služby. Tři štwarz lěta běchmy w našim rjnym wulkim Božim domje. Wězo je wón za naš čas na powšitkownych njedzeliach skoro přewulki, wosebję na serbskich kemšach. Tohodla džemy prěnje štwarz lěta tež rady do našeho wosadnego domu. My so džensa hiše swojemu něhdyšemu superintendentej a fararzej Mjerwi džakujemy, zo je so jako młody duchowny před nimale 50 lětami tak swěru za twar tutoho domu zasadžil. Wulku žurlu nětka wobnowjamy, zo bychmy dóstali dostojeńe městno za Bože služby w zymje.

Nadzijachmy so, zo loni dwaj nowej zwonaj dostańemy. Wosadni su pěknje a lubje woprowali. Přilubjenej stej nam nětka za druhi kwartal 1961. — Rady spominamy na našu jubilejnou konfirmaciju, na kotrejž so na njedzeli swj. Trojicy wokoło 50 jubilarow wobdzeli. Tež za tajki swjatočnosć móžemy wulku a mału žurlu wosadnego domu derje wužiwać. — Mějachmy štyri lěsne Bože služby: na Něčinském hrodzištu, we Łusku, hdźež maja rjany park, w Rachlowje pod Čornobohom a w Lejnje pola rjaneho „Lěsneho paradiza“.

W lěcu sej tež rady raz tu abo tam dojedžemy. Tónkróć chyczymy blišu domiznu zeznać. Cyrkwienski chor po-by w Hodži, wopryta Klóštrsku cyrkej w Marijnej Hwězdźe, běše w Kamjencu, we Wóslinku, hdźež je před ca. 50 lětami naš kantor Lodni jako młody wučer a zastupnik kantora swoju zastojnsku službu nastupił. Jako čily 82lětny kantor, hiše nic čisće na wotpočinku, so wón na tutej jězbje wobdzeli. — Sto ludži z wosady poby w Niskej, hdźež běchmy hosći Bratrowskeje wosady. Jara nas hnuješe, jako sej wobhładachmy wustawy Znutkownego misionstwa za du-chaslabych w Różborku. W Zhorjelu widžachmy Cyrkej swj. Pětra. —

cy, jako so pola nas cyrkwienske chory ze serbskich wosadow a z Budyšina zetkach. Do swjatkow su naše žony cyrkę dokladnje wurjedzili a po swjatkach dosć tykancow napjekli, zo bychmy swojich hosći w konsumowym hospencu pohoscí móhli. Zešlo bě so přez 200 spěwarzow a runje telko wosadnych. Wšelacy su so džiwali, zo je w cyrkwi hiše telko ludži, kiž tak wjesele spěwaja.

Tola tež dwě njeluboznej wěcy chcu naspomnić: Konfirměrować su so je-nož jedyn hólca a dwě holcy dali, wot kotrychž bě jedna hiše z Kamjeneje, kotař do Minakalskeje wosady słucha. Tola wosada je w bohatej ličbje na tutu Božu službu přišla, štož je tež kolekta dopokazała. — Hižom někotre lěta doho wotměwaja so w Chwaćicach wob lěto jenož štyri króć serbske kemše. Prjedy je na serbske kemše přeco 20 ludži chodžilo, a nětka jenož hiše pjeć. Zo bychu tola Serba skónčenje na serbske kemše chodžili! Ha.

Naša Młoda wosada dojedže sej do Mišna, jako tam runje delegacija Rusko-prawosławneje cyrkwy přebywaše a biskup Jan z Leningrada wosadu strowješe.

Bukečanska wosada je tež rjenje woprowala, mjenujcy — jenož w rynych ličbach mjenowane — za našu cyrkę 4800 hriwnow, za krajnocyrkwienske zaměry 2200 hriwnow, w bi-bliskich hodžinach 400 hriwnow, za ludowe misionstwo (na ewangelizaci) 1000 hriwnow, za Znutkowne misionstwo 500 hriwnow. To běše wšo hromadze wokoło 8900 hriwnow (lěto předy 8600 hriwnow). K tomu přinádže hiše za zběrku Chlěb za svět wokoło 3000 hriwnow a — lěto do toho — za nowej zwonaj 20 000 hriwnow, za wobnowjenje piščelow a nowy pomnik wokoło 20 000 hriwnow. Při zběrkach na droze nahromadzichmy ca. 1500 hriwnow. Wšem darielam wulki džak!

Wukříci smy loni 40 (51) džeci. Konfirmandow běše 32 (36) a wero-wanjow mějachmy 19 (23). Pochowali smy 47 (46) wosadnych a spowědných běše 1315 (459 muskikh a 856 žonskikh). To je 31 proc. wosadnych. Mjez nimi běše 274 tych, kiž na serbskich Božich službach k Božemu blidu přistupichu. 97 dušow bu doma woprawyjenych.

Tajke zwonkowne ličby su wšak ważne a zajimawe, ale njejsu ženie rozsudzace za Bože kralesto. Bóh hlada na wutrobu a do wutroby. Wo tym pak so njehodži ničo statistisce rozprawjeć. To so hakle zjewi Sudny džen. Zo móhli potom před nim wobstać! K tomu pomahaj nam Chrystus, naš Knjez a Zbóžnik! La.

**Z Małec.** W našej wosadze, kotař ma 2025 dušow, bu loni 26 (83) džeci křećenych, 12 konfirmowanych, 10 (21) porow bu zwierowanych a 16 (75) wosobow pochowanych na pohrebnišćomaj w Malešecach a Delnjej Hörce. K Božemu blidu přistupi 586 wosadnych, 216 mužow a 370 žonow. W zašlym lěće smy 60 němskich a 26 serbskich Božich službow a 21 króć kemše za džeci měli. Na kemšach za džeci mějachmy w přerězku 50 džeci. Žony našeje wosady schadzowachu so nimale kóždy měsac w Plusnikech a Malešecach. Tež wosadni mužojo su nimale kóždy měsac rady na swój wječor chodžili. Kolekty je so nawdalo na Božich službach 3592,42 hr., z nich 2055,81 hr. za našu wosadu a 1536,61 hr. za powšitkowne krajno-cyrkwienske potrjeby. Wšem darielam nanajwutrobeni džak a Zapiać Bóh!

**Z Huski.** Naš swěrny ewangelski Serb Korla Wirth, bur w Cokowje, je 2. měrca swoje šesćdžesačiny swjećili. W džakownosći za wšu swěru a lubosć, kiž je wón nam wopokazał, přejemy jemu wšo dobre do nowych džesać lět. Bóh Knjez budź z nim!

**Z Njeswačidla.** Lubaj serbskaj mandželskaj Förster w Wětrowje móžeštaj w februaru swój złoty kwas swjećić. Bóh chcył jimaj hnadrne poprěć milý wječor žiwjenja.

# Hrono na jutrownik 1961

## Što pytaće živeho pola morwych?

(Lukaša 24,5)

Křesćanska cyrkej steji a pada z wuznamne lěto za cylu našu wosadu a wosebje za Serbow. 18. a 19. junija mějachmy tu Serbski cyrkwienski dzeń, kiž steješe pod heslom „Jezus je přišol, woheń zapalić na zemi.“ Naši wosadni su tutu zhromadzíznu z wulkej lubosću a zahoritoscu přihotowali. Minakańska wosada je so jara wjeseliła, zo njebě jeje próca podarimo, ale zo je telko hosći ze wšich kóncoվ serbskej krajiny do Minakała přišlo. Loński cyrkwienski dzeń je nas wučil, zo je naša wéra wulka moc a tohodla budžemy hišće doho na njón spominac. Checmy so nadzíjeć, zo změje Serbski cyrkwienski dzeń tež dale dobry wlii na našu wosadu a na wosadne žiwjenje.

Tež jako žony jutrowničku rano morweho Jezusa w rowje pytachu, rěkaše: „Što pytaće živeho pola morwych?“ To je za nich wěsty porok. Njeje móžno, Knjeza mjez morwym namakać. Haj wšak, swět wonka je husišo tak myslí a sudžil, zo njebě móžno, zo móžeše Chrystus zaso staný, dokelž je a wostanje po jeho měnjenju morwe, štož je morwe. Biblijia runje nawopak sudži a pisa. Jako Pětr we swojim mócnym swjatkownym předowanju wo tym rěčeše, zo běchu Židža Jezusa morili, kotrehož je potom Bóh zaso zbudzil, praješe: „Přetož móžno njeběše, zo wón wot smjerce móhl zdierzany być!“

Z jutrownego podawka slęduje za nas, zo je Jezus Chrystus tež w lěće 1961 woprawdžita moc a awtorita, kotařa nas tež w našim cyrkwienskim a wosobinskim žiwjenju wjaza.

Tak dyrbimy moc, kiž w živym Zbóžniku mamy, tež wšednje wužiwać. Chrystof Blumhardt, kiž je mnohim zawěscie po mjenje znaty, praješe něhdys: „Wjele jich je, kotrymž dosaha, zo wo Chrystusowym stanjenju z rowa steji w knihach a maju to za dživny podawk zašlych časow, ale woni njewěđa z tym ničo započeć za swoje žiwjenje. A tola je najwažniše, zo tutoho Zbóžnika mamy, zawěscie mamy. Džensa je živy, džensa je tudy, džensa dyrbis jeho moc začuwać, zo so džensa twoje žiwjenje wot smjerce wuswobodzí.“

Jezus, moj džel, živy je,  
jeho zbože je tež moje.  
Jemu swjeće žiwjenje,  
wutrobu a myse swoje.  
Słabeho wón posylna;  
to je moja nadzija.

La.

**Z Minakala.** Lěto 1960 bě wulke a wuznamne lěto za cylu našu wosadu a wosebje za Serbow. 18. a 19. junija mějachmy tu Serbski cyrkwienski dzeń, kiž steješe pod heslom „Jezus je přišol, woheń zapalić na zemi.“ Naši wosadni su tutu zhromadzíznu z wulkej lubosću a zahoritoscu přihotowali. Minakańska wosada je so jara wjeseliła, zo njebě jeje próca podarimo, ale zo je telko hosći ze wšich kóncoվ serbskej krajiny do Minakała přišlo. Loński cyrkwienski dzeń je nas wučil, zo je naša wéra wulka moc a tohodla budžemy hišće doho na njón spominac. Checmy so nadzíjeć, zo změje Serbski cyrkwienski dzeń tež dale dobry wlii na našu wosadu a na wosadne žiwjenje.

Loni smy wukřili 33 džéci, mjez nimi 18 holcow a 15 hólcow, lěto do toho bě jich jenož 25. Paćerskich džéci mějachmy 15 (12 holcow a 3 hólcow). Wěrowanie před Božim wołtarjom je sej požadało 14 porow. Bóh Knjez je z tutoho žiwjenja wotwoał 25 wosadnych, 9 žonow a 16 mužow. Z našeje cyrkwy su wustupili 3 wosoby, jedna žona a dwaj mužej. Spowědných mějachmy 654, 403 žonow a 251 mužow.

Druhi dzeń hodow swjećištaj, swój złoty kwas našej swěrnaj serbskaj wosadnej Arnošt B o m s d o r f a Augusta rodź. Hejtmanec z Lipiča. Móžestaj tuton dzeń strowaj a čitaj ze swojimi přiwuznymi woswjeć. Bóh Knjez daj jimaj tež dale strowosć a swoje požohnowanie!

Naša wosada spomina rady na záše lěto, dokelž smy telko rjanych zhromadzíznow měli. Naš nowy pozawniski chór pod wjedzenjom kantora Herca je k tomu wjele króć přinošował. Pj.

**Z Wojerec.** Do noweho džéla našeho města je loni wjele ludzi přičahyňo; tola naša wosada njeje z toho wjele wužitka měla, dokelž wjetšina z nich njeje wjace w cyrkwi.

Wukřilo je so loni 115 džéci, z nich bě 52 hólčatkow a 63 holčekow. Konfirmēranych bu 23 džéci, mjenujcy 12 holcow a 11 hólcow. Njewěmy, kelko procentow wukřených džéci by to byé móhlo. Wěrować da so 40 porow a 148 stavow našeje wosady bu křesćansce pochowanych, z nich běchu 78 muskeho a 70 žonskeho ro-

du. Jara džakowni smy byli, zo je naša wosada w zašlym lěće za Chlěb za swět woprowała 6171 hr. Do kolektow su naši wosadni woprowali 7631 hr.

Ale z tym njech je dosć z tymi pjenejnymi wěcami. Wažniše su dućhowne wěcy. Wot 20. do 30. apryla mějachmy w našim Lutherowym domje biblisku wustajencu, kotař nam pokazowaše rozšerjenje swj. Pisma w jednotliwych lětstotkach mjez ludami a jazykami na našej zemi. Loni mějachmy tež přeni króć złotu konfirmaciju, na kotrejž wobdzeli so 70 ludzi. Tutoh swjedzien wostanje zawěscie w šitkem wobdzelenym w dobrym pomjatku. Znata „Leipziger Spielgemeinde“ běše dwojce pola nas.

W poštnym času hraješe „Nōcne sudženie“ a w poždnam lěću „Korčak a jeho džéci“. Naša wosada čaka hižom na přichodny wopyt tutoho džiwidelnego towarzstwa.

Cyrkwienske lěto skonči so w našej wosadze přeco z bibliskim tydzenjom. „Knježe, nauč nas so k Bohu molić“ je – kaž wěmy – heslo lěta 1961. Tohodla běše tema bibliskeho tydzenja Knjezowa swjata modlitwa – Wóće naš – a wukładowanie sydom prostrow wosadze wjele darilo. Njech nas Bóh Knjez wuči, so modlić po jeho słowach! Gr.

**Z Poršic.** Tež pola nas w Poršicach je woporniwośc wosady přiběrala. K hodam lěta 1959 je so w našich cyrkwiach přeni króć namoływało, woprować za hłodných na swěće, a tehdom smy nazběrali přež 1000 hr. Loni pak dóstachmy samo 3800 hr.! W januaru a februaru 1961 su wosadni hižom znowa přež 3000 hr. nawdali! Nimo toho zběramy we wosadze za elektriske zwonjenje. Tež za to smy hižom wjele darow dóstali. Naša wosada ma 1590 dušow.

Wukřili smy 26 džéčatkow, konfirmērować da so 7 džéci a wěrowanie před Božim wołtarjom přeješe sej 16 porow. Křesćansce smy pochowali 23 wosadnych, k spowědzi přistupi 844 dušow a štyrjo su wustupili z našeje Ewangelskej cyrkwy. „Pomhaj Bóh“ so pola nas jara pilnje čita. Ma my 165 čitarjow.

W Budyšinku bydlí na farje knjez farar n. w. Kurt Handrik, kiž tu hižom wot lěta 1926 skutkuje. W lubosći a džakownosći spominamy, zo knjez farar Handrik, kiž je loni swoje 75. narodniny měł, swěru a porjadne wšitke serbske Bože služby, serbske spowědze a woprawjenje w domach wobstaruje. Wot lěta 1955 ma my wob měsac jónu w Poršicach a Budyšinku serbske kemše. W Budyšinku je 584 dušow. A wukřilo je so tam w zašlym lěće 11 džéčatkow a konfirmērować dachu so štyrjo. Wěrowanjow mějachmy 7 a pohrebów 9. K spowědzi běše 332 stavow našeje wosady a z cyrkwy wustupila je jedna wosoba. Poe.

## Krótkie rozmoływy na kubłanskim dnju

Swěrny, pobožny serbski starc so mje prašeće:

„Maće džéci?“

„Haj.“

„Ja mam jich šesc – a wšitke su pobožne. Za to so Bohu Knjezej džakuju!“

„Tu maće sto hriwnow za „Pomhaj Bóh“. „Pomhaj Bóh“ mje přeco znowa zwjesela!“

Rozmołwa mjez dwěmaj žonomaj: „Sym sej nětko sama swój „Pomhaj Bóh“ skazala. Hać dotal jón čitach ze swojej sotru hromadze.“

„To sy prawje činiła. Ja na kóždy „Pomhaj Bóh“ z wjeselom čakam.“

Tajka lubosć k našemu łopjenu je wulke wjesele a najrješna mzda za našu prócu!

Při předawanju Scéna po swj. Matěju:

W Scénu je na jednej titulnej strojne napisane „Přeložk Michała Frencela – Znowa přehladala bibliška komisija ewangelskich serbskich farajrow.“

Jedyn swěrny Serb so tuž prašeše: „Je tón knjez Frencel džensa tež jow?“

Haj. Budesčanski farar Michał Frencel by cyle wěsće na kubłanskim dnju mjez nami był, njeby-li hižom 29. juniju 1706 zemrēl!

Nakład Domowina. – Licenca č. 733 Wuchadza jónkróć za měsac. – Rjaduje Konwent serbskich ewangelskich duchownych. – Hłowny zamówity redaktor: superintendent G. Wirth - Njeswačidelski Čišć: III-4-9, Nowa Doba, číšernja Domowiny w Budyšinje